

死如歸。溫溫其色。侃侃其姿。得正而斃。夫復何疑。
一、高阪昌信傳

高阪正昌信。甲州伊澤邑農家子也。父沒。昌信與其姊夫爭父之田宅。而訴于官。獄辭不利而遂為亡命。時十六歲也。太守見其貌美氣豪。而辟為近習。其舉出于人意之表。以賤賧貴。是以傍人嫉疾。指摘不少。然昌信不致動心。所以為警戒。戰兢不怠。惕厲益勤。在師中為差使。候數有功。太守寵渥日重。終祿冠于諸臣之上。治領乎信州之半。時謂之鎮我於海津之邊堡。控扼乎越後之勍敵。累年之中。不假援兵。而襲入于彼境內。凡三。當以為異績。其為人也。沈雄好謀。知機慮遠。不蹈危。不陷難。時諺云。逃彈正。是蓋不求虛名。而持實勝者也。晴信歿。將葬時。土屋右衛門尉謀于昌信曰。先君之恩顧。唯吾子與余為尤厚。如今當殉死報其恩奈何。昌信曰。今兵革之世。豈如死戰而賽德之優哉。土屋服其理。終闕死于長篠。亦可謂不宿諾者也。然昌信又不敢以此為意。專欲續國脉於將絕。所謂慷慨就死易。從容依義難者。可謂昌信能之矣。長篠之役。昌信藩守于海津。開勝賴大敗。遺棄節鉞狼狽而歸。急率萬卒。出而迎于途。是以敵

軍不得追躡。且出會所貯之戎器。昌信豫知有此用。而新精誠。而補其軍裝。是以國民亦未覺其大敗績。此行也。國老四員既亡其三。所存者昌信一人也。見國勢日縮。而獻替益勤。當事發慮。或二策。或三策。乃至五七策。雖不必容庸。其補亦不少。常懷壘卵之憂。未會一夕熟睡。遂以此致病而卒。時天正六年五月也。此後邦內瓦裂。不日夷滅。是其與國家相為存亡可見矣。平日纂輯晴信一世治國練兵。屠城略地。蠶食隣國。虎視四方許多之事迹。及道鬼所傳之秘計密訣。而評其可否。悉筆之於書。所謂甲陽軍鑑同末書等是也。將獻之於勝賴。以贖括當時之政務。惜哉軍事劇。未及脫稟而卒。然徵此書。則晴信君臣之武名。道鬼所傳之兵法。皆湮沒而不聞耳。且今雖承平既久。而人未嘗目擊軍事。然不必遠求和漢千古之故實。而講明之於此。則不虞之備幾無闕矣。當以為武教之據徑者歟。昌信之績。不亦大乎。
一、山本晴行傳
山本勘介晴行入道道鬼齋。參州牛窪鄉人。生資穎異而有膽

略。以兵術鳴于世者也。少從同國寺部人鈴木氏日向守者。學築城經地之術。熟玩其繩墨。默識其肯綮。且巧于鈞術。所謂行是也。教授有年。武藝漸通。遂經歷諸國。修十載。又要仕于今川家。客寓駿府。九載。雖然人聞其能。未知其實。或非

信州河中嶋之役。義死而全終。其所傳城築七圖。圍閣成法。行于世。所謂陰陽三才等之陳法。彰于甲陽之武備變化之中矣。今講習此傳者。推以為武教中興之祖矣。
沈靜善謀。貞固幹事。偉哉若人。將帥之器。練達軍政。兵家是規。戰勝攻取。收功當時。臨危授命。死得其宜。

一、馬場信房傳
馬場美濃守信房。本姓教來石。始稱民部。世甲州人也。歷事信虎晴信。身自有軍功。得感牒凡二十一通。就中所稱其抽于諸軍者九度也。然未曾中矢石。觸劔戟。而徧身未少傷。可謂奇矣。能修己而謀敵。達戰陣之機。通攻守之樞。磬控得宜。張弛當可。是以晴信累擢。遂為部將之第一。先鋒之總司。其為人也。不只達于武。有知人之明。以品秩諸士。有發蒙之力。能教育幼弱。時人以為武士之龜鑑。先輩老臣既歿之後。軍國之政。悉委之。然亦不敢自是。薦高阪昌信。內藤昌豐。山縣昌景。以同其職掌。是又可見其公矣。其出而為將也。軍功不遑枚舉。其尤者。薩埵山追松田。小田原設火戰。三增之役為殿。二俣之城壓敵。濃州岩村躡。信長之後。遠州入坂援勝賴之危。是皆尋常難得之奇功也。及勝賴

笑匹夫而談將帥之略。其為人也。不事便佞。是以不協于俗調。慙軻沈淪。纒寄食於同府庵原氏。年既過強仕。時甲州牧晴信聞而招之。約云與食祿若干石。於是載贄到于甲州。納拜之日。晴信視其容貌甚醜。且隻眼偏跛。以為有如斯異相。有如斯望。則幾非庸才。即日畀祿倍于其約。尋聞城壘隍池之制。列陳隊營之法。國政運策之要。其應如響。無不明而備。而論及扶桑列國興廢之機。他邦將士勇怯之情。亦無不詳而盡。太守遂有圯上隆中之思。以為兵術之師範。自是以來甲陽之武備。攻守野戰之法。積年寔明。奇正分合之變。累月益密。太守信任之。亦彌至矣。信州戶石之役。我軍陷于危。將卒懾氣。晴行出奇策。能左右其兵。瞬息之間。轉危成安。變敗奉捷。此後三軍心服。無不信從其指麾者。曾一睨越州上杉家之軍。而計其將來。頗如說其既往。無不左驗。武田家并吞駿州。是又道鬼反間之力也。永祿四年九月十日。